

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI VOZILA U POGLEDU SJEDIŠTA, PRIKLJUČAKA SJEDIŠTA I NASLONA ZA GLAVU

I PODRUČJE PRIMJENE

Član 1.

Motorna vozila kategorija:

- M₁ i N u pogledu čvrstoće sjedišta i njihovih priključaka i u pogledu njihovih naslona za glavu;
- M₂ i M₃ u pogledu sjedišta koja ne obuhvata Naredba o homologaciji sjedišta velikih vozila za prevoz putnika i ovih vozila u pogledu čvrstoće sjedišta i njihovih priključaka (ECE pravilnik br. 80-Jednoobrazni propisi koji se odnose na homologaciju sjedišta velikih vozila za prevoz putnika i ovih vozila u pogledu čvrstoće sjedišta i njihovih priključaka), i u pogledu njihovih naslona za glavu;
- M₁ u pogledu konstrukcije zadnjih dijelova naslona sjedišta i konstrukcije uređaja namjenjenih za zaštitu putnika od opasnosti koje su rezultat pomjeranja prtljaga u slučaju čeonog udara

moraju biti homologovana u skladu sa ovom naredbom.

Ova naredba se ne odnosi na sjedišta okrenuta bočno ili prema nazad, ili na bilo koji naslon za glavu pričvršćen na takva sjedišta.

II ZAHTJEVI

Član 2.

Jednoobrazni uslovi za vozila iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju vozila u pogledu sjedišta, priključaka sjedišta i naslona za glavu (Pravilnik broj 17 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 17), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa (“Službeni glasnik Bosne i Hercegovine”, broj /2010).

ECE pravilnik br. 17 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija vozila iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja vozila iz člana 1. ove naredbe može provoditi samo laboratorija ovlaštena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvedenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 17 prema Odluci o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi „Naredba o ratifikaciji pravilnika br. 16 i broj 17 uz Sporazum od 20. marta 1958. godine, usvojen u Ženevi, koji se odnosi na usvajanje jednoobraznih uslova za homologaciju i recipročno priznavanje homologacije opreme i delova motornih vozila”, „Jednoobrazni propisi koji se odnose na homologaciju vozila u pogledu otpornosti sedišta i njihovih pričvršćivanja za vozilo” („Službeni list SFRJ”, broj 47/74).

Ministar

.....
mr sc. Rudo Vidović